

T5237.77/2207(4)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
YAMAMOTO
NOV 21 1958

4

有
1086

七卷

張居正 太岳

汪道昆 南溟

李先芳 北人

宗臣 方城

孔天胤 文谷

王慎中 遵岩

袁袞 香臺

李言恭 秀岩

萬表 鹿園

吳子孝 海峯人卷

梁有譽 蘭汀 李攀龍 滄溟

黃姬水 質山 王崇古 舞川

盧柟 諸大綬 南明

謝榛 四明人 陳宗虞 六亭

朱察卿 象岡 俞憲 是堂 王承父 岷崙

沈明臣 郭崇嗣 草堂 張獻翼 壺梁

陸弼 李齊芳 聖川 莫雲卿

陳鳳 蔡可教 有吳 汪言臣 蕞瀛

陶立慎齋 蔡可賢 見菴

侯一元 二谷

李文鱗 章菴

蘇漢 鳴石

洪孝先 霍山

呂特臣 甬東

有

1086

明詩

七言律

批點明詩七言律卷七

哈佛大學漢和
圖書館珍藏印



東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

張居正

字叔大號太岳江陵人嘉靖丁未
進士萬曆間官少師

舟泊漢江望黃鶴樓

楓霜蘆雪淨江煙錦石遊鱗清可憐賈客帆檣雲裏
見仙人樓閣鏡中懸九秋槎影橫清漢一笛梅花落

遠天無限滄洲漁父意夜深高詠獨鳴舷

潛江憫澇

水齧平堤沙岸迴野田空見荻花開注濤挾雨秋仍壯燕鴈衝寒暮獨來歲晚風霜歆客枕夜深燈火傍漁臺悲時亦有江南賦愁聽荒城鼓角哀

汪道昆

字伯玉號南溟徽州人嘉靖丁未進士官兵部侍郎

再疏乞休

太行徑昃接長安轉見人間行路難共惜黃金騏驥老那堪白日鷓鴣寒君恩不為三投杼吾道唯應再

汪公諸作盡高獨不見其七言律茲集已完乃得陳本谷函示一帙為選八首例唯調古

浣風生大是開九黃龍之手

挂冠縱是菟裘生事薄江湖滿地足漁竿

山陵望月

七陵宮闕對崔嵬落木空林四望開鳥道過雲秋練沒龍池抱月夜珠來千門涕淚刀頭盡萬國關山笛裏哀倚杖迴看天尺五啼鳥莫傍帝城隈

沙河早行

馬頭片月挂長安雙照孤臣淚未乾五夜愁心鳩鵲觀九秋衰鬢鷓鴣冠人家砧杵遙相望客路關山迥自寒總為三朝恩不淺非關老大拂衣難

答萬使君

諸詩風骨
不凡自屬
郢手
海上孤城保障勞。當時汗馬五陵豪。流言不避新題
柱。戰血猶存舊佩刀。豈謂難容緣俗薄。轉於不賞見
功高。秋風莫謾驕鷹隼。尺五天邊鳳一毛。

密雲送侯郎中出守思恩

膏車伐鼓下漁陽。邊馬翩翩五驥驕。自是軍儲須汲
黯。誰憐郎署老馮唐。九重春色從新主。千里炎風接
故鄉。試聽塞門橫笛好。武陵一曲引杯長。

正月三日北樓席上贈督府劉公

三輔提封擁漢旌。千尋飛閣控金城。軒轅曆紀春正
月。驃騎營開古北平。關外尋常留定遠。日邊只尺望
承明。當筵莫問登高賦。肺病于今似馬卿。

送潘別駕之嚴州潘為尚書公子

經術承家第自高。風塵去國興逾豪。春隨驛路鶯千
樹。郡下雲霄鳳一毛。吏事漫侵潘岳鬢。賢聲早佩呂
虔刀。釣臺倘遇羊裘客。莫道行邊獸錦袍。

觀海亭

蓬萊隱見白雲鄉。渤海憑陵一望洋。大地九州懸碣

石遙天五夜見扶桑。巡遊自昔留秦島。朝貢于今款越裳。更說三韓方丈勝。明朝千騎出東方。

李先芳

字伯承號北山濮州人嘉靖丁未進士官尚寶寺少卿

縣齋晚坐

孤城南面枕江干。玉几雲岑對鬱盤。花下鳥啼群吏散。窓中雲盡數峰寒。空齋獨坐偏懷土。白髮催人欲棄官。昨夜南薰吹入戶。空懸綠綺共誰彈。

暮春初過山庄

山人本性愛山居。弭節春遊過崔廬。短砌雨餘芳草

伯承詩留秀發亦王元美西曹社中人東嶽出房前稿綽有右丞之風

合。小亭風定落花疎。拂塵下榻驚梁燕。開篋抽書走壁魚。更闢巖扉頻灑掃。能無長者命巾車。

小姑山

沈淩天上泛歸潮。水面孤峯影動搖。風起鼉鼉迴夕浪。春晴殿閣掛煙霄。北吞揚子分江介。西鎮洪都作漢標。暮雨恍疑神女至。嵐光飛入木蘭橈。

白鹿洞

紫陽宮闕鬱重重。白鹿仙人去不逢。波靜九江平似鏡。丹成五老化為峰。懸崖蘿薜栖山鬼。陰洞雲霞鎖

燭龍風雨蕭蕭下木葉滿林秋色度疎鐘

江霞館別譚鴻臚

江霞別館戀音微江上行人坐不歸
隔歲乍逢金谷友一尊相對廣陵扉
花間綠綺彈朝雨門外青驪駐晚暉
二十四橋芳草遍更教明月逐人飛

宜春臺

在袁州上有昌黎祠

春臺獨上俯千家睥睨風高起曙鴉
南下萬山連百越東來一水自長沙
青厓竹覆經年雪碧落松盤小洞霞
駐馬荒祠時極目韓公何事到天涯

天峯寺同譚少府覽眺

其山有海門日岫甚奇絕

郭外名山碧四圍聯鑣載酒歷山扉
千家戶牖分青霽一曲江流寫翠微
日嶠晴雲低古寺海門秋色澹征衣
天峯果在煙霄上坐對長松了道機

御書樓留別座王王公

輞川別業跨江扉高閣櫺欐坐夕暉
檻外青山排畫障院邊流水瀉金徽
石函秘貯親裁詔玉笈珍藏舊賜衣
門下同遊今幾在一尊相送鄭玄歸

滕王閣

全篇如微風亮月扇凉舒彩

高閣嶙峋攬上游。還將歌舞問東流。劍江割據衡廬險。鏡柱平分吳楚秋。鳥外片帆來極浦。雨中芳草遍滄洲。江湖滿地無舟楫。天畔何人獨倚樓。

江天閣

在豐城曲江上有三賢祠北地李獻吉至此書天風海濤四字

三賢祠壓楚江頭。決漭江天獨此樓。石勢西來丹嶂合。海濤東望碧雲流。荒城古渡邀明月。曲水平臺隱釣舟。時倚危檣看劍氣。冥鴻千里思悠悠。

雲津送袁生之京

曲水平橋江岸斜。雲津門外送仙槎。離亭握手愁將

中聯若南 虞西施睇

晴流光

夕。遠道逢春鬢易華。三月行人折楊柳。一年心事問桃花。蘭橈泊處東風遍。細雨樓臺燕子家。

疊嶂樓懷羅近齋

即謝玄暉高齋

高齋獨坐一凭欄。吳越東南表壯觀。紅樹微茫秋色遠。蒼煙迢遞夕陽殘。山開圖畫當軒何。江寫芙蓉入鏡看。安得謝公重握手。臨風載酒話同官。

玄妙觀訪吳山人

高皇駐蹕此地御筆題鼇峯二字

洞門高榜瑞煙重。問是先皇訪道宮。天作金鼇飛聖藻。山開玉壘護堯封。樓臺倒掛三天日。睥睨平臨

此作如霞映 秋山紫綠万 狀

萬壑松誰為休糧卧泉石。花源疑與至人逢。

再寄王元美

當年漢署共鳴珂。班馬才名不啻過。天畔孤臣吾老矣。中原諸少竟如何。生涯只合尋麋鹿。世事寧須問汨羅。今古舍情君不見。鴟夷江上有滄波。

早春文昌閣瞻眺

一泓春水挂城頭。百疊遙山帶雪浮。地是謝公曾作郡。人如玉粲舊登樓。松篁隔嶺驕晴色。關塞連天憶昔遊。報道梅花消息好。憑欄不見使心愁。

熙光樓懷羅使君近溪

遙從林杪踏空行。更上高樓望眼明。疊嶂飛來雙起鳳。千花開處亂啼鶯。題詩李白成陳跡。化俗文翁遺令名。不分青山依舊在。年年春草伴愁生。

江行自遣

當年已自厭承明。復此煙波鼓棹行。家有薄田堪種秫。門多垂柳正啼鶯。閒情久負陶彭澤。列士空推李少卿。金馬銅龍成底事。一江流水夢中聲。

宗臣字子相號方城揚州興化縣人嘉靖間官學憲

歸與如鷺
鴻渡水宛
轉迴翔

子相才情
篇美造詣

未竟使天
假之年亦

能逐鹿于
麟而倚角

元美矣

春興三首
如引玉壺

酌天漿飲
姑射仙子

其清氣洒
然

送萬公子歸豐城

青袍綠鬢儼琅玕。歲晏庭趨去住難。帝苑珮聲天外
盡。豐城劍氣斗間看。尊前明月雙鴻暮。江上梅花一
騎寒。共說甘泉能獻賦。春風明日滿長安。

春興

中原五子送將歸。十二峯頭拾紫薇。別後何人鸚鵡
筆。書來念我薜蘿衣。邗溝明月行將閭。鴻鵠天風高
自飛。南北岐路兩無賴。江門烽火照漁磯。
高揚亂石把雕弧。有客頻過問壯圖。落日中原停萬

騎悲風萬里下。三吳臺前麋鹿秋。相泣海上鯨鯢夜。
自呼聞道中丞新授命。急將戎馬抹姑蘇。
司馬提兵夜渡河。羽林諸將擁雕戈。青山一戰殘鼙
鼓。落日千家泣綺羅。盜賊似聞能漢語。東南何地不
夷歌。浮生轉覺江湖窄。難把衣裳任芟荷。

旅懷

客計年來尚卜居。楚江漁父意何如。茂陵肺病長卿
賦。漢帝心知賈誼書。天地一身惟報主。烽煙雙眼正
愁予。秋風萬里吹南國。叢桂花開滿故廬。

送李虞部之杭州

一尊晨散帝城遊。萬里江雲擁去舟。楚國芳荃難汝別。薊門朝雨為誰留。萬家烽燧胡纓夕。八月蕪葭海戍秋。使者無煩頻北顧。浮雲何處不堪愁。

送陳生南還因寄江鄉游好

薊北秋高起夕峰。送君南去楚雲重。市中五斗新豐酒。醉後三年長樂鐘。耕隴未須悲燕雀。涉江何處採芙蓉。寄言雋日煙霞侶。曾否天台訪赤松。

送方行人使魯還蜀

仙吏朱衣下紫霄。天書親捧翠微遙。梅花一夜飛羌笛。明月千山護使輶。魯甸王程逢鴈盡。劔門鄉思聽猿銷。送君雙淚悲遊子。白髮清江正寂寥。

人日柬楊子

遊子頻年栖漢庭。又看春草落階瑩。乾坤雙眼逢人日。江海孤槎是客星。病起鬢毛知汝白。愁來楊柳為誰青。風煙况復音書隔。向夕征鴻不可聽。

奉題龍沙草堂

龍沙草堂何處開。龍沙帝子日登臺。浮雲常挾江聲

壯驟雨時驅獄色來。醉後題詩多橘柚。花前授簡即
蓬萊。知君不減西園興。白鴈青楓首重回。

待元美不至

誰傳消息到湖西。欲來不來空杖藜。昨日石門開枳
橘。早時孤艇散鳥鷺。愁人碧草茸茸短。候客清尊夜
夜攜。二十四橋今寂寞。未應重為玉蕭迷。

寄李順德于鱗

憶爾狂歌滿帝京。春來紫綬寄專城。漢庭詔下三千
石。良吏人傳卓魯名。日落盧龍寒朔騎。風高涿鹿斷

胡纓。襄帷定有江門思。碣石青天是舊盟。

得元美書

江上孤槎憶送君。薊門消息阻秋分。驚風萬里吹胡
鴈。錦字千行墜楚雲。北極頻頒龍武詔。東吳新挫伏
波軍。漁樵舊業無須問。處處青山泣紫氛。

孔天胤

字汝錫。號文谷。汾州人。嘉靖間官布政

訪方隱君金華山中

春山深曲訪巖栖。且喜桃源路不迷。一室盡攢雲裏
樹。空園全遶石中溪。川觀魚鳥心無累。磻束荆薪手

孔公余曾
晤之於汾上
讀其詩可
想幽致

自攜酒性更能如五柳。花林相許抱琴躋。

王慎中字

號遵巖閩泉州人嘉靖間官學憲

王君之文
更優於詩

題扇小景

齊紈裁扇月形同。點染丹青出化工。雲氣淋漓疑帶
雨。水波搖漾不關風。高低萬樹毫芒見。遠近千山只
尺通。自是主人多好事。置身常在畫圖中。

袁袞

字永之號胥臺長洲人嘉靖丙戌進士由庶
吉士至副使

次電白觀海

電白城高海上開。飛樓千尺俯蓬萊。三山隱見從空

起。八極溟濛入望來。蜃氣朝蒸疑是霧。潮聲晝湧忿
如雷。遙思驅石當年事。直欲乘槎去復回。

李言恭

字惟寅號秀巖泗州人嘉隆間臨淮侯

再過京山縣觀音崖

車塵千里楚江西。今得高山且暫栖。湖海幾年違故
國。春風兩度入招提。飛泉常傍懸崖落。野鳥獨藏深
樹啼。為覓老僧談四諦。半樓煙月暮雲低。

別單竹樓還金陵

幾年作客共湘川。君去秦淮獨惘然。數幅征帆秋水

臨淮詩清
遠有調庶
幾大曆中
語

明詩七言律卷七
十一
渡一聲長笛夕陽天。從今不下延徐榻。何日重來訪
戴船。吳地故人如有問。鄉心常在月明前。

送人歸金陵

誰謂雞壇成遠隔。梅花還向金陵折。書劍君歸故國
廬。風塵我作他鄉客。一帆明月鸚鵡洲。兩岸青山雲
夢澤。離思須憑尺素傳。更期乘興剡溪雪。

月渠李僉憲召飲黃鶴樓

勝地慚非作賦士。玉尊今向大江開。當年黃鶴雲中
去。何處梅花笛裏來。風捲潮聲喧島嶼。日斜帆影上

樓臺。相逢俱是他鄉客。休問湘陵杜宇哀。

春日病起

邊城斜日澹胡沙。兩鬢那應對落花。搔首青山非故
國。出門芳草是天涯。病餘何意張華劍。春去那堪范
蠡槎。賴有高陽朋舊在。黃金俱付酒人家。

秋日同黎維敬王仲房康裕卿朱在民安茂卿

胡元瑞集劉仲修觀察園亭得開字

習家池館接蓬萊。雲裏高懸百尺臺。諸客盡依星漢
坐。一尊聊向薜蘿開。城頭落葉隨風下。木杪青山入

座來投轄可辭今日醉。薊門秋色正堪哀。

萬表 字民望號鹿園鄞縣人嘉靖中都督僉事

山中酬唐太史見訪

山齋寂寂臘初深。披衲朝朝聞梵音。我已出家惟帶髮。君來聯榻與同心。天涯避地因多病。幻跡隨緣即故林。明月滿庭殘雪在。那堪孤櫂返山陰。

吳子孝 字純叔號海峯長洲人嘉靖間官參議

送陳給事使琉球

聖明新詔賁窮荒。玉節金符下建章。萬里春風隨斗

柄。九天帆影落扶桑。山川盡入周王貢。笳鼓先令海若藏。暫慰遠人歸欲早。紫除青瑣待回翔。

梁有譽 字公實號蘭汀居士嘉靖中進士官主事

吳宮

月墮平湖漫不流。煙波何處可消愁。千年人傍要離塚。百頃誰尋范蠡舟。廊下悲風聞響屐。堂前清宴憶傳籌。竹枝似寫當年恨。聲起吳江葉葉秋。

姑蘇懷古

看山幾日到吳中。遊客登臨感慨同。金虎跡荒靈氣

余初得梁公實詩艷

而少骨甚訝之及睹俞氏集所載乃

知公實律法精當奇崛壯麗與

元美于鱗相雁行也前

詩其膺本

乎

滅水犀軍散。霸圖空。春歸茂苑。鳥啼月。花落橫塘。蝶
怨風。誰識倦遊心。獨苦扁舟長憶五湖東。

登城上樓

木落城頭風怒號。百家形勝自周遭。碧窓日曉滄溟
潤。盡棟雲開象緯高。目斷層霄無鴈字。夢淹南國有
漁舸。登臨一笑成今昔。彈劔酣歌愧爾曹。

送同年宦欽甫宰蕭山

羨君墨綬去翩翩。茂邑風流此日傳。綠樹人家漁浦
外。白雲官舍鳳山前。琴彈單父庭稀訟。花發河陽賦

幾篇。共是鄭莊門下客。報恩應擬在何年。

王元美席上賦得懷羅浮得餘字

縹緲丹梯萬仞餘。風塵回首列仙居。石樓積翠臨滄
海。鐵樹飛泉落紫虛。鸞鶴凌霞時自度。松苓滿地日
堪鋤。何當歸訪葛洪去。四百峯頭好結廬。

瓜步眺望

殘虹慘澹已黃昏。江上煙波獨愴魂。京口樹濃蔽雨
氣。海門風急長潮痕。西來暮色連三楚。北望浮雲隔
九閩。正值旗亭須買醉。憂時懷土不堪論。

此作有乘
風御氣冷
然輕舉之
態

揚州悼隋離宮二首

二作如岩松
挺秀有虬
龍怪狀

李花歌罷益凄其。正是迷樓縱樂時。夜月遼寬哀鐵
騎。春風淮柳拂鸞旗。斗邊蛇起妖誰識。帳裏鵬來事
可悲。千載故基何處覓。杜鵑啼上野棠枝。

藻井雕甍駐彩霞。錦帆一去已無家。淒涼夜月樓前
舞。零落春風仗外花。殘燒繞原碑卧草。夕陽依岸柳
藏鴉。可憐河水滔滔逝。不識人間有歲華。

淳父與五
嶽父子俱

黃姬水
落梅

字淳父號質山長洲人嘉靖間庠生

擅風雅而
七言體獨
勝

昨日看花花影重。重來惆悵幾枝空。隨萍半積芳池
上。學絮全飄畫閣東。秦隴迢迢悲夜月。漢宮憔悴怯
春風。臨觴莫恨凋零盡。留得鄰家玉笛中。

飲永寧寺

青樓歇馬拂吳鉤。萍聚天涯共白頭。父舍新豐惟命
酒。長謠故國一登樓。林殘半徑飛寒雨。潮落空江急
暮流。世路風塵悲去住。莫辭此日醉筵篋。

盧栢

字少樵大名清縣人嘉靖間監生

浮丘精舍

少樵困獄
中極意為
詩古體乃

其所長然
七言律亦非
大曆後語
也

衛河東岸浮丘高。竹舍雲居隱鳳毛。遂有文章驚董
賈。豈無名譽駕劉曹。秋天散步青山郭。春日催詩白
兔毫。醉倚湛盧時一嘯。長風萬里破洪濤。

書長春觀

萬里天風海水高。三山不動駕群鰲。青霄漠漠聞鸞
嘯。白日翩翩見鶴翔。岩下瓊漿留衛叔。山中瑤草寄
盧敖。懷紆金紫人間事。日日吹笙對碧桃。

聞比部李滄溟出守順德書此寄上

漢署仙郎何處求。高旌知駐古邢州。漁陽久待張君

淑河內爭迎郭細侯。舊日石門曾拒壘。此時銅馬莫
輕謀。畏途遠奮青雲翼。慷慨長吟寄壯遊。

登南城樓有感兼懷荀前川

獨上高樓四望明。海天愁色起縱橫。黃雲不斷飛狐
塞。殺氣遙連偃月城。未訝健兒能陷虜。早聞白羽尚
徵兵。封侯知有荀公達。好向中朝事請纓。

謝榛字茂秦號四明山人山東人寓居彰德府嘉
靖間山人

送別周學憲

世事難期此宦遊。蛾眉別有妬中愁。淒清鼓瑟元高

諸詩若風
颶電擊奇
氣不窮

謝茂秦志
在李杜庶
幾升堂遊
燕入晉二
稿傳誦藝

林至江南
洛等集則
若出二人手
者旌矣

調轉折鳴橈是遠流春草漸青鄉國路浮雲全白帝
京樓遙知北望成多感二月風光澹若秋。

春宮詞

若蛾眉連
嫵媽然流
貯

長信宮中芳草生晚風獨立正含情時顰柳葉聽龍
駕誰隔桃花吸鳳笙金屋半開春寂寞珠簾不動月
分明燒殘蠟炬虛長夜遮莫同心結未成。

秋暮感懷奉寄內閣諸公

葉響空林天氣清仙人樓閣報新晴河山九月風煙
色砧杵千家旅客情昔日黃花秋澹澹下灘白鳥夕

輕輕酒酣漫憶曹劉輩立比重雲鎖鳳城。

無題

詩中所詠
想見蘭心
蕙質玉顏
絳脣

楚女春心不自持月明誰唱竹枝詞瓊簪玉珥何顏
色翠幕朱闌且歲時燕子樓空傷往事杜鵑花老負
歸期江頭月落西風起轉覺湘靈瑟調悲。

夢吳人張德良同泛楊子江偶得一聯黃蘆港
外群峯出青石灘頭獨鶴鳴醒而足之

不見詞人憶舊盟清秋夢到闔閭城黃蘆港外群峯
出青石灘頭獨鶴鳴共傍江湖存逸氣自憐萍梗寄

浮生一尊忽罷仍南北。落月空梁無限情。

送何進士謫樂平少尹

都亭同醉采芳菲。別後關山夢不違。平野北看燕樹斷。大江西去楚帆飛。百花洲上還聞鴈。五老峯頭獨振衣。勝地且留何遜賦。春風應見賈生歸。

中秋無月同李子朱王元美李于鱗比部賦得

城字

四野蒼茫雲霧生。月華暗度鳳凰城。樽前不辨銀河影。樓外空傳玉笛聲。鴻鴈清秋遊子意。梧桐白露故

園情。謝莊欲賦還惆悵。今夜關山何處明。

送顧汝修歸松江

千里飛霜葉下初。知君回首憶鱸魚。潮生瓜步移孤櫂。路轉吳淞是舊廬。海上白雲秋不斷。天南明月夜何如。梅花歲暮應須折。驛使相逢有報書。

送王惟善歸婺源

久別天涯鴈獨知。帝城多病見君遲。入門不暇論心事。把手相看惜鬢絲。半夜琴尊猶是夢。百年湖海竟難期。陌頭春盡芳菲歇。匹馬斜陽獨去時。

諸詩若鴻
看是沒迅
疾不達

秋日同吳子有朱伯鄰應瑞伯駕部謝少安周叔敬庫部即席得江字

諸詩如魯仲連以布衣蕩然肆志談說當世

我來值此群才會官舍相留倒玉缸煙外鴉聲紛古堞雨餘槐色淨秋窓共期帷幄長紆策誰築邊城擬受降司馬定看清紫塞為漁好去老滄江

喜黃實甫至留酌

自別梁園歲幾徂故人消息斷江湖相逢白髮知多少一醉黃金問有無地接邊關秋氣早樹翻烏鵲月明孤向來離合殊難定猶傍天涯說壯圖

登五峯山有感

樹杪躋攀石磴懸手扶藜杖出風煙東分遼海千重嶺北盡胡沙萬里天秋草征夫烽堠外夕陽歸鳥戍樓邊時看白骨成悲感為憶嫖姚戰伐年

秋夜有感

中二聯如蜻蛉吟階冷淒不勝

涼宵力疾步莓苔欲賦高秋愧楚才白髮祇緣人事老黃花偏傍客愁開尊前獨坐星河轉燈下悲歌風雨來還憶重陽離亂後故園惆悵一登臺

送朱參政之豫章

落落才名三十年，宦途華髮轉堪憐。獨辭上國星隨馬，四渡西江雪滿船。湘鴈晚低彭蠡澤，楚雲春澹豫章天。定知豐劍歸君後，遙望長安北斗邊。

寄壽成臯王

情詞動人

臘月瓊筵佳氣臨，遙空笙鶴送仙音。建安古意應同感，王粲他鄉且獨吟。雪滿宮梅春色動，天連鄴樹暮雲深。發鳩山下漳河水，流到三臺見此心。

得周學憲書并石刻詩以志謝

精詞健語
襄陽所不到

辛甲封疆探勝還，雲蘿猶憶共躋攀。坐憐同調繁聲

外老愧齊名，片石間鶴髮鄉愁。惟綠酒馬頭春色幾，青山太原有約堪乘興。莫使東風花鳥閑。

李之茂見過樓中話別

有客經過乘晚涼，索居秋草傍簾長。老來寄跡仍多事，話到知心更一觴。海上鶴書淹歲月，塵中龍劍感皇霜。共言此別能馳馬，千折雲山是晉陽。

朱察卿

字邦憲，號象岡，上海人。嘉靖間。

寄謝茂秦

憶昔長安並馬遊，醉來曾向酒家留。風寒易水荆生

朱詩悲壯
大有神采

劍霜落燕山。季子表白鴈。廿年誰折簡。青山何處獨
登樓。當時接贈驚人句。風雨常生匣裏秋。

沈明臣 字嘉則四明人嘉靖時山人

題王青州小祇園藏經閣

祇園高閣俯流霞。貝葉光浮萬樹花。白馬春雲常五色。金河秋水時三車。王丞自置維摩室。許掾終依大士家。此日登臨披弱海。頓令飛思繞恒沙。

陸弼 字無從雲中人嘉靖間山人

同益卿登劍城百角樓

清尊日對使君開。卷幔風煙萬里迴。地控牂牁吳服外。貢傳翡翠越裳來。賦成頗念登樓日。戰後誰稱下瀨才。回首高臺春草徧。霸圖千載使人哀。

南遊留別竹西社諸子

竄跡蕭齋自薜蘿。賦成諸子日能過。尊前有劍憐肝膽。門下傳經廢蒹葭。作客又隨春草去。懷人應傍暮雲多。蒼茫世路無勞問。不負山中帶索歌。

陳鳳 字羽伯嘉靖間山人

送潘海居

山人不務奇詭而意興自覺悠

然

天外長歌彩鷁飛。布帆冉冉挂斜暉。前峯月出浮雲斷。遠浦沙寒落鴈稀。海國未歸南渡客。秋風空老北山薇。客星一去溪堂冷。何日樽前見辟衣。

金陵詠古

覽古金陵疋馬來。憑虛千里壯懷開。六朝歌舞鶯花老。三國賢豪劍戟灰。日月又新龍虎地。江山長繞鳳凰臺。鑄京多少興王策。悵望先朝一舉盃。

雨中客至

新水柴門漲碧沙。孤村煙樹隱漁家。客來湖上偏逢

雨。春到江南又見花。沽酒隔隣傳小甕。打魚深夜出枯槎。浮生莫遣浮名誤。醉裏還驚兩鬢華。

新夏懷是堂兄

春盡江南花事空。興於詩酒尚能雄。高樓夢破青溪雨。小榻涼生碧樹風。幸有金龜償酒價。恨無銀鹿寄詩筒。憑虛不盡懷人意。回首蒼茫落照中。

閻立字中甫號慎齋河南杞縣人大名府判

送窓友徐雲臯巡按宣大

皇華簡命自天來。別酒論文數舉杯。土谷風霜隨去

別駕家食時

即結社為詩

及醉吾郡後

清麻太守賚

和益復純然

大雅矣為刻

二首
上谷一聯壯
鹿可逼盛唐

中聯自工部

家職南金句

翻出上句易

得下句苦心

未談笑披襟

又何其灑然

有致也

馬廐門晴日好。登臺深慚鎖鑰逃。名吏爭羨邊疆濟
世才。烽火不驚胡虜靜。太平書奏慰三台。

冬夜宴逍遙園

交情幾晤大河陰。視篆今來意更深。綺宴開時香郁
馥。寒鴉栖處栢蕭森。官居別駕羞無補。身在逍運可
廢吟。最是良宵堪縱飲。不妨談笑欲披襟。

批點明詩七言律卷七

批點明詩七言律卷八

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

李攀龍

字于鱗。號滄溟。濟南人。嘉靖間進士官按察使。

崔駙馬山池燕集得無字

主家池館帝城隅。上客相如漢大夫。十里芙蓉迎劍

馬。一樽風雨對江湖。橋邊取石鱗飛動。臺上吹簫鳳

穆子曰于

鱗構思空

遠造語精

深如蒼崖

古壁尚尋

周鼎奇氣

自不可掩
王元美以
為詩至于
鱗而化

有無向夕不堪車馬散朱門空鎖月明孤

送郭子坤下舟還濟南

華省栖遲白髮新因憐失意轉憐春樽前病起逢寒
食客裏花開別故人賦就自堪生顧盼才高豈合老
風塵燕邦郭隗君家事不擬驂騑不致身

送王郎守安慶

花蒲胡姬春酒樓使君五馬五驂騑明光起草推高
第三十專城領上游天柱西懸江漢影海門東望帝
玉州到來紆盡思同舍萬里風煙白鴈秋

劉員外家宸翰樓

君家司寇此樓居奕葉承恩片帖餘帝自經筵傳翰
墨人從冊府見圖書雲煙繞檻生春色牛斗開函散
楚墟弦誦只今諸弟滿章賢相業好誰如

送大司寇顧公之金陵

聞道銅標護百蠻當朝共擬伏波還來持漚海中丞
節入領西曹法從班曳履青雲高北斗迴車秋色照
鐘山顧期門客江城滿草奏時時達漢關

詩送是堂余公總憲湖南

攬轡江湖萬里清使君三楚舊知名陽春未許尋常
和明月堪償十五城行省重臣推掌憲中原多事盛
談兵遙憐傲吏同秋色不淺南樓庾亮情

酬黃山人郡中見懷之作無呈魏使君

千山佳景郡齋前楚客相思秀句傳白雪調成堪自
愛青雲名在好誰憐胡牀夜傍南樓月濁酒春開北
海天羨爾風流陪坐嘯轉令人見使君賢

子與病起移書二美吳下群賢爰修禊事踴躍

勝遊遙為屬寄

意與高遠
勝遊可想

伏枕經春憶舊遊永和三日命扁舟一時藝苑人亡
恙千載蘭亭事可求吳下山川何蘊藉王家兄弟本
風流獨憐搦管傳觴處有客中原自白頭

送黃侍御按滇中

去矣乘風瘴癘開西南萬里壯遊哉登臺越雋山形
合攬轡昆明秋色來周禮職方天外盡漢臣封事日
邊迴征蠻幕府今凋落安得樓船下瀨才

早春得汝思蜀中書

萬里誰傳錦字迴楚天搖落至堪哀揚舲巫峽江聲

合。立馬岷峨雲色來。西極使星遙入部。中原人日好登臺。莫言羽獵誇胡後。不數楊雄作賦才。

送大中丞王文赴山東

天下軍儲飛輓來。中原胡虜戰爭回。漢柱舊題驄馬使。名家接武佩刀才。按章時拂風塵入。憲府秋臨海岱開。主恩偏憶嚴城日。什二東秦保障哉。

再呈何公

幾年開府漢中丞。去後功名何武稱。荆楚軍儲遮海過。潢池兵氣向秋澄。尚書北斗天喉舌。同寇西曹帝

股肱。耆舊即今推濟美。清朝劔履坐相仍。

韋氏池亭同元美子與子相賦

貰酒新豐解佩刀。相逢意氣為君豪。孤亭晝敞杉松色。亂石青含薜荔高。自向風塵偏勝蹟。豈令湖海傲吾曹。從他桂樹山中發。招隱何勞更反騷。

一時群英之會宛在

華髮文章媿不工。獨憐諸子調相同。西京矯矯多奇氣。東海泱泱自大風。三署仙郎攜酒後。一時詞客此亭中。白雲寥廓迷幽薊。騶行談天碣石宮。

送李司封謫廣陵

讀之可令人痛哭

明光起草羨青春。服藥求仙笑此身。白首雲霄空荐
士。黃金湖海未逢人。廣陵鴻鴈來秋色。寒雨江楓度
逐臣。見說故園湘水上。懶將詞賦弔靈均。

同元美子與子相公實分賦懷太山得鐘字東

順甫

域內名山有岱宗。側身東望一相從。河流曉挂天門
樹。海色秋高日觀峯。金篋何人探漢策。白雲千載護
秦封。向來信宿藤蘿外。杖底西風萬壑鍾。

送大司寇應公歸台州

東岱為五岳之宗此作當與並雄

搖落黃金駿馬臺。都門供帳亦賢哉。炎荒想見乘車
出。北斗旋聽曳履回。秋色白雲生海嶠。主恩華髮臥
天台。西曹官屬銜知遇。東閣清時好再開。

和馬丈見送巡海之作

樓船遙指越王城。萬里波濤按部行。門下有人惟說
劍。江南何處不談兵。長纓我愧山東妙。銅柱君懸海
外名。忽訝天台霞色起。開槭彩筆更縱橫。

送殷正甫使河洛

中州一望氣雄哉。北極風塵使節開。洛自存宗社

步驟淺深
可為詩法

計遊梁更見長卿才。春晴嵩少雲邊出。雪盡黃河天
上來。在昔孝王誇授簡。何當置酒向平臺。

徐子與席懷梁公實

共指金莖雪色間。鳴珂當日滿朝班。即看徐孺能懸
榻。豈謂梁鴻更出關。薄宦天涯成白首。故人江上買
青山。嶺南梅樹今堪折。贈我寧無驛使還。

懷子相

薊門秋杪送仙槎。此日開尊感歲華。臥病山中生桂
樹。懷人江上落梅花。春來鴻雁書千里。夜色樓臺雪

中聯子相
自嘆以為
不可及

萬家南越東吳還。獨往應憐薄宦滯天涯。

於郡樓送茂秦之京

把酒高樓眺暮春。孤城落照濁漳濱。自憐白髮常為
客。誰道青山不負人。西署詩名王氣象。中原宦跡任
風塵。元龍未下當時傲。湖海看君意轉親。

趙州道中憶殿卿

憶爾檐帷出牧年。風塵誰識使君賢。政成神雀猶堪
下。興盡冥鴻遂杳然。樹色遠浮疎雨外。人家忽斷夕
陽前。重來此日逢寒食。何處看春不可憐。

除夕元美宅

蓬萊佳氣舊霏微。把酒千門朔雪飛。繾綣綈袍回夜色。縱橫綵筆動春暉。何來天地愁相向。自信風塵意不違。漢主明朝還受計。君看五馬賜金歸。

真定大悲閣

高閣峻嶒倚素秋。西山寒影挂城頭。坐來大陸當窓盡。不斷滹沱入檻流。下界蒼茫元氣合。諸天縹緲白雲愁。使君趨省無多暇。暫爾登臨作壯遊。

初至京與元美明卿子與分韻

邢州計吏入長安。春色西山雪裡看。天地容吾常落。 氣寒握手依然無長客。可知千載和歌難。

隱然自負
不露圭角

送明卿謫江西

海上風塵未罷兵。如何嚴助厭承明。故人慘澹浮雲色。逐客蕭條白雪情。落日掛帆彭蠡澤。清秋伏枕豫章城。詩篇已側當時目。不必兼傳抗疏名。

與元美登郡樓得雲字

搖落高樓此對君。天涯不復有離群。銜杯大麓來秋

色倚檻邢臺過白雲樹杪人家漳水出城頭風雨太
行分極知今日同玉粲賦就還應鄴下聞

懷慶道中雪

飛雪長驅使者車太行秋色滿天涯虛傳梁苑平臺
賦真作河陽一縣花流影風前迎劔氣寒光樹杪澹
人家問津明日知何處千里西來有漢槎

崆峒二首

風塵問道欲如何二月崆峒覽勝過返照自懸疏隴
樹浮雲忽斷出涇河長城雪色當峰盡大漠春陰入

脫塵

塞多已負清尊尋窈窕還將孤劔倚嵯峨

誰道崆峒不壯遊香爐春雪照涼州浮雲半插孤峰
色落日長窺大壑愁萬乘東還靈氣歇諸天西盡濁
涇流蕭關祇在藤蘿外客子風塵自白頭

杪秋登太華山絕頂二首

太華高臨萬里看中原秋色更漫漫振衣瀑布青雲
濕倚劔明星白日寒東走峰陰搖砥柱西來紫氣屬

長安自憐綵筆驚人在咫尺天門謁帝難

徙倚三峯峯上頭蕭條萬里見高秋蓮花直撲青天

三首如呂
梁派沫噴
薄千里

于鱗登崆
峒詩居諸
詩如鶴鶴
凌風超然

明詩言律卷八
色。玉女常含白雪愁。樹杪雲霾沙漠氣。巖前日暈漢江流。停杯一嘯千年事。不擬人間說壯遊。

贈符卿李伯承使東藩

漢宮春色照蘭臺。符節分曹右掖開。司馬長卿詞客幸。東方曼倩侍臣才。海濱城闕浮槎下。天上風雲擁傳來。無那故人常伏枕。論詩還為一銜杯。

春風紫禁日朝天。帝寵東藩奉使年。直省月臨三殿出。輶車星度九河懸。綈袍忽動青雲色。華髮逾驚白雪篇。真道故人霄漢少。如君侍從總堪憐。

贈李明府韜詣廣川奉送景王之國

帝寵親王出牧年。逢迎東道借才賢。郎官舊列星辰上。朱邸新開日月邊。千乘旌旂分羽衛。九河春色護樓船。知君不廢鳴琴興。應教還操桂樹篇。

殷太史正甫至自太山為贈

明堂天子昔登壇。御道風流擁漢官。海色迴臨三觀動。春陰不散五松寒。白雲忽向封中出。玉牒誰從篋裏看。此日滿朝來禪草。相如早晚入長安。

又作此問正甫

當時問訊
之意宛然

上宮春色自何年。阿閣神房幾洞天。囊裏定攜三秀草。懷中曾擬四愁篇。射牛漢蹟今猶在。繫馬吳門似杳然。七十二家論祀典。還朝可奏聖人前。

送吳峻伯之楚

才子風流滿禁林。傳經海岱主恩深。諸生自紀銜魚事。千里誰知相馬心。王氣日隨江漢轉。方城春壓洞庭陰。憐君宦跡偏形勝。四十叅藩豈滯淫。

送劉侍御歸臺二首

二詩若人
駭行空昂

才子高名八使中。登車千里競稱雄。西臺入奏聞天

印萬里

語東海陳詩。見國風伏柱。久推三楚駿。還朝爭識五花驄。極知未盡澄清意。獻納猶堪寵漢宮。

繡斧東來按部年。一時風裁萬人傳。烏臺高傍黃圖起。青囊遙依紫極懸。三殿直聲推許國。九河秋色送朝天。正逢宣室齋居日。羨爾持書捧御筵。

送馮汝言學憲之浙江

使者清秋擁漢槎。五雲回首望京華。傳經南國推高第。執憲中朝屬世家。紫氣欲臨滄海日。綵毫先動赤城霞。還披絳帳延諸少。為報西施刺浣紗。

儒臣捧詔外臺居。况復揚波海晏如。門下美才收竹
箭。臥中高士羨桐廬。山川半入吳都賦。風俗兼傳越
絕書。始信工文官自達。主恩垂老不曾踈。

過吳子玉函中草堂

玉函山色草堂偏。恰有幽人擁膝眠。樹杪徑迴千洞
合。窓中天盡四峯連。綠陰欲滿桑蠶月。白首重論竹
馬年。就此一尊無不可。因君已辨阮家錢。

魏使君重過山樓分賦得空字

使君千騎又從東。此日登樓作賦雄。樹杪平湖元在

地。簷前疊嶂半浮空。煙霞色借雙輪動。牛斗光搖一
劍通。自入鹿門常謝客。誰能濁酒過龐公。

湖上草堂為德甫賦

城下春江繞戶斜。誰開三徑俯龍沙。客攜彭澤先生
酒。人指南州孺子家。一劍寒光搖北斗。千山秋色送
雲霞。只今海內無同調。高枕從君老物華。

謝魏使君題白雪樓

白雪新題照畫闌。鮑山堪此對盤桓。楚宮一送江天
色。郢曲長飛海氣寒。繞夜朱絃清自語。凌雲綵筆老

相看使君不是元同調千載陽春和者難

吳使君自建寧移邵武

十載徘徊侍從群銅符更向七閩分且疑落冕終遷
客也自風流一使君五馬忽驚龍渚氣雙轡猶畫幔
亭雲已知才子官難起無那吳郎雅好文

送魏使君入朝

青春五馬入朝天稍似明光草奏年方岳只今雄海
岱山河原自壯幽燕風雲忽傍檐帷起日月猶臨名
署懸况復政成聞問好黃金不是主恩偏

送魏使君兼呈吳邵武

如雲計吏集神京此日江湖見友生自是古今雙丑
馬居然南北兩專城漢廷交映黃金詔楚客同蜚白
雪聲治行不知誰第一獨應巖穴愧高名

寄元美三首

聞君雨雪到青州春盡鴻書未可求莫問彈冠千載
事徒令把袂故人愁浮雲萬里中原色落日孤城大
海流自昔風塵驅傲吏還能伏枕向清秋

紫塞春風散羽書使君高枕見離居人間不識胡名

激烈感慨
大類燕歌

馬門下猶傳海大魚。開府少陽還氣色。登臺東嶽復何如。遙知醉後吳歌發。落日蕭條薄望諸。

不盡青山帶落暉。美人何處送將歸。城邊澠水寒如酒。馬首浮雲曳作衣。春到他鄉還健食。時危薄宦豈雄飛。自從二子中原別。回首風塵萬事違。

病間答許殿卿

病客高齋黯澹生。何來一札大梁城。夢回滄海風雲色。春落黃河雨雪聲。伏枕自須疑慢世。曳裾無亦似逃名。可知枚馬元同調。誰見千秋出處情。

南海歐生為太師遺書于大梁屬許右史馬致

答此

中原才子動相聞。誰復高名得以君。南海一珠懸北斗。黃河雙鯉墮青雲。城邊五色羊何在。臺上千金馬不群。獻賦幾年猶未遇。羅浮春思坐氤氳。

送魏按察之潞

壺關上黨切雲霄。憲府中天插漢標。山勢西臨三晉險。地形東控兩河遙。名從出守高郎署。策本和戎寵聖朝。盡道疆場懸節鉞。猶能書札滿漁樵。

上朱大司空

春流一聯
王元美亟
稱之以為
不可及

河堤使者大司空兼領中丞節制同轉餉千年軍國
壯朝宗萬里帝圖雄春流無恙桃花水秋色依然
子官太史恒裁溝洫志丈人何減漢臣風

許殿卿擢左史

萬里檐帷逗主恩長裾一再歷寒溫諸侯賓客梁園
盛帝子官僚相國尊誰為從旁駮駟馬自應擢左
夷門况兼詞賦凌雲氣漢署風流可更論

明溪篇二首贈周都閫

如武庫陳
兵甲光耀
目

明溪斜帶越臺高遠送清光照錦袍勢奪潮聲雄鼓
角波分海色壯旌旄浮雲深控嫖姚騎秋水常函別
駕刀翻恨普天無戰鬪臨觴不得更投醪

越臺山下小江干一曲遙開漢將壇槎動星河天上
下陣成魚鳥鏡中看戈鋌忽溢澄潭色組練偏縈素
渚寒此日非熊應入夢心隨渭水到長安

寄題元美葺經閣

岩堯飛閣太湖傍有客翻經日滿牀白馬尚留霜練
影彩毫應帶雨花香當年張掾生秋興何處支公坐

道場君自風流兼二子。吳門極目正茫茫。

九里松圖為馬侍御作

音古真如
蒼松讀之
虬螭欲動

武林佳氣日蕭蕭。夾道長松入望遙。黛色總疑天自
雨。寒聲不辨浙江潮。古淒風自枯鱗起。倒影雲隨偃

蓋飄。非值有心同竹箭。懸蘿爭敢附高標。

寄題况吉甫藥湖別業在荷山下

湖上高齋萬木齊。白雲長在楚天西。落霞一散燒丹
火。秋水遙通濯錦溪。伏枕自來詩不廢。扁舟誰為酒
同攜。南峯盡作蓮花色。曾是玉喬隱遁栖。

秋夜白雪樓贈周公瑕

日落風清竹樹林。一尊飛閣敞秋陰。纔逢狗監人先
老。能到龍門客自深。海上共懸明月夢。山中堪贈白
雲心。陽春寡和休言誤。此夕因君作楚吟。

登華不注山送公瑕

鴻鴈高飛木葉丹。逍遙臺上一憑闌。浮雲不動孤峯
起。落日長臨二水寒。多病故人書未達。中原秋色醉
相看。預愁匹練江南道。極目吳門駐馬難。

題周天球小象

落鳧吳門五十春。懶從高閣畫麒麟。此中墨客爭知
妙。何處詞人更有真。白眼自宜置丘壑。紅顏元不染
風塵。東墻休挂喬家女。夜恐周郎作後身。

答元美吳門邂逅于鱗有贈二首

二詩想見
劇談戲論
扼腕抵掌
之狀

徵君巖穴雅能深。出處人間總陸沉。流水乍含鍾子
調。浮雲不繫邴生心。關門紫氣長來往。海上青山更
古今。世事彈冠難自料。風塵容易是抽簪。

萬里風雲北極生。中原二子舊齊名。居然霄漢雙封
事。自是江湖一宦情。天借客星高物色。歌回春雪壯

潮聲。何妨邂逅成佳會。正復相思命駕行。

大閱兵海上四首

指麾籌
畫可相將
略工部論
諸將五首
不得擅美
矣

使者乘輶大閱兵。千艘並集甬句城。騰裝殺氣三江
合。吹角長風萬里生。帳擁樓臺天上坐。陣回魚鳥鏡
中行。不知誰校昆池戰。橫海空傳漢將名。

戈船諸校錦征袍。水戰當場命客豪。萬櫓軍聲開島
嶼。千檣陣影壓波濤。赤城深泛旌旗動。射的遙銜竹
箭高。東海便應銅柱起。何妨馬援是吾曹。

列檻如城積水前。援枹擁棹出行邊。桔槔氣迸流烏

四首如春
霆發響
蟄虫競飛

火。組。練。光。搖。太。白。天。戴。鶴。一。呼。風。雨。集。龜。鼉。雙。駕。斗。
牛。懸。即。今。萬。國。梯。航。日。竝。識。君。恩。浩。蕩。年。

新。開。帷。幄。控。朝。宗。萬。里。波。臣。老。折。衝。海。氣。抱。吳。遙。似。
馬。陣。雲。含。越。總。如。龍。中。流。鼓。應。潮。聲。壘。下。瀨。戈。迴。日。
影。重。自。有。長。纓。堪。報。主。誰。言。白。雉。竟。難。逢。

元美起家按察河南寄促之官。

語涉傲世
意具超然
有神龍不
可韁鎖之
意當為茲
集聖卷

莫道漁樵計已安。主恩堪為一彈冠。足知上國群
公。疏。猶。作。中。原。二。子。看。虎。觀。迴。連。嵩。少。起。龍。門。高。倚。
大。江。寒。與。君。聊。玩。人。間。世。明。日。抽。簪。未。是。難。

杜青州按察楚中

東。方。千。騎。古。諸。侯。憲。府。新。開。大。楚。秋。北。海。清。風。猶。滿。
座。武。昌。明。月。更。登。樓。五。雲。過。郢。朝。佳。氣。三。峽。吞。江。擁。
上。遊。此。地。功。名。誰。得。似。君。家。元。凱。自。荊。州。

寄賀天官殷少宰晉大宗伯

十。載。詞。林。供。奉。中。史。才。經。術。並。稱。雄。恭。承。三。命。銅。龍。
署。兼。典。諸。儒。白。虎。通。要。地。持。衡。當。比。斗。清。聲。曳。履。入。
南。宮。猶。言。紫。極。氤。氲。處。非。復。文。章。八。座。同。

顧中翰祭告德衡二藩兼有事沂山東海

聖主新恩北極開。侍臣銜命出燕臺。三齊茅土星潢近。二國松楸雨露回。百丈自天垂瀑布。五雲佳氣接蓬萊。俱言海嶽遊偏壯。為有王褒作頌才。

登黃榆馬陵諸山四首是太行絕頂處

雄詞麗句
感唐作家
當為却步

太行山色倚巔峴。絕頂清秋萬里看。地折黃河趨碣石。天迴紫塞抱長安。悲風大壑飛流折。白日千崖落木寒。向夕振衣來宿雨。關門蕭瑟罷憑欄。

西嶺高秋大陸前。馬陵寒影踏遙天。群峯不斷浮雲色。絕嶂長留落日懸。地險關門銜急峽。山竒削壁挂

飛泉何人更遇青泥飯。有客空歌白石篇。

西來山色照邢襄。北走并州擁大荒。巨麓秋陰沙渺渺。石門寒氣雨蒼蒼。天邊睥睨窺句注。樹杪飛流挂濁漳。搖落故人堪極目。朔風千里白雲翔。

千峯郡閣望嵯峨。此日褰帷按塞過。落木悲風鴻鴈下。白雲秋色太行多。山連大陸蟠三晉。水劃中原散九河。回首薊門高殺氣。羽林諸將正橫戈。

王崇古

字學甫。號鑑川。蒲州人。嘉靖辛丑進士官兵部尚書。

泛湖

三晉多風
雅全覓其
刻本不得僅
得王公一首
王公確畧振

世詩復尔
雅絕俗可
謂無才

萬頃芳湖一望平。扁舟搖曳九愁輕。晴天倒浸南山色。午夜低垂北斗明。進艇漫隨鷗鷺侶。鳴榔偏稱芰荷情。凌虛忽憶十年事。老大空慙未請纓。

諸大綬

字部侍郎

號南明山陰人嘉靖間狀元官禮

送崑崙高太史奉使還蜀

清宵天祿正然藜。暫捧周圭出玉墀。回望五雲天咫尺。行看三峽路逶迤。晚風亂度猿聲急。曉月橫浮嶽色奇。知是相如擅詞賦。登臨到處有新詩。

陳宗虞

號六亭閩中人嘉靖中官副使

余於聲應
錄諸陳君

詩皆過於
激烈此作
則純然大
雅也

黎惟敬宅餞伯宗得聞字

雪後高城落暮雲。夜寒杯酒惜離群。燕臺不市千金骨。湘岸空嗟九辨文。一劔光隨犀浦動。片帆春帶鷺洲分。天涯吾亦隨萍梗。鴈帛從今何地聞。

元日朝回望西山雪霽柬高右史伯宗

紫陌朝回散履聲。西山殘雪萬峯明。雲沉玉樹開三殿。春控瓊樓下五城。月色遙凌青海動。天光倒射赤霞生。風前一曲幽蘭調。何限湘波郢樹情。

俞憲

號是堂無錫人嘉靖間官副使

家詩可謂
苦心其自
為詩不多
見錄其音
稍見作家

夜渡君山遊望寄吳明府

空江誰道有孤航。夜月隨風渡渺茫。極浦奔濤喧欲
立。斷沙殘柳不成行。漁人聚網知潮信。獨鳥驚林覺
曙光。安得遂逢彭澤宰。蒲傾山院菊花觴。

郭崇嗣

字承芳號草堂肥鄉人嘉靖壬戌進士官憲副

登岳陽樓觀洞庭湖

歲晏驅車過岳陽。危欄把酒日蒼蒼。洞庭水濶商帆
集。楚岫雲開鴈字長。泣竹千年悲二女。懷沙何處弔
三湘。蕭蕭風葦江流急。欲賦登樓意未央。

承芳曾以
長句為余
題畫余珍
重之茲於
他集中得
律詩一首
聞有燕石
稿當次第
出矣

李齊芳

號巽川肥鄉人嘉靖丙辰進士官郎中

哭李滄溟老師

謫仙鳴鶴返天閣。藝苑逢人拭淚痕。祗為琴亡鍾子
調。何關客散李膺門。家無遺藁言封禪。世有明珠照
夜昏。搖落江南悲已老。汶陽誰為一招魂。

蔡可教

字子受號有吾成安人嘉靖間進士官憲副

早春即事

關津罷守拂衣行。回首風塵感慨生。投杼豈緣慈母
意。償金應見古人情。雪殘已度隨陽鴈。風暖仍聞出

蔡氏伯仲
意氣翩翩
各以作者
自雄其詩
未可多得
聊示一斑
而已

谷鶯相對濁醪歌伐木上林虛擬有同聲

蔡可賢

字子齊號見菴成安人嘉靖間進士官憲

寄懷符卿石東泉年丈

子齊長鬚軒
軒自號高陽
居士平生偷
詩少所與可
特稍。有慕
於李于鱗王
元美二子未
復齒及不
佞他日以
詩名也此篇
其先聲哉

爾自雲霄侍從臣。天涯諸弟幾沈淪。紅顏已幸逢新
主。青眼那堪少故人。萬里入秦還贈策。千金辭趙且
垂綸。遙知吹笛燕山月。落盡梅花別有春。

侯一元

號二谷浙樂清人嘉靖間進士官布政

贈王公督學楚中

長江千里白波來。盡舸風輕五兩催。新雨曉看雷澤

漲。冰壺秋映洞庭開。洲前落月聞湘瑟。峽外飛雲見
楚臺。辭賦郢中應一變。漢家方重馬卿才。

李文麟

字應禎號韋菴無錫人嘉靖間郎中

送江荆石尹高安

江淹風藻本翩翩。建業相逢復幾年。舊國春深持去
檄。帝城花落對離筵。司空署裏才初試。宓子琴中曲
已傳。別後思君何處所。瑞陽江上片帆懸。

蘇濂

號鴻石濮州人嘉靖間鴻臚

獨酌

蘇君典李
伯承同里
音節頗同

門巷人無問字過。天涯客子意蹉跎。黃金不復燕臺事。易水空懷壯士歌。九塞烽煙催餉急。七陵風雨入秋多。音書寂寞年華晚。不飲其如旅况何。

洪孝先 字從周號霍山永嘉人嘉隆間山人

秋興二首

薊門秋望碧雲深。結社還思臥石林。木葉西風看似錦。音書南國到如金。哀猿嘯處長流涕。倦鳥歸時總息心。自是蓴鱸堪寄興。扁舟欲泛五湖陰。曾聞武帝有行宮。辛苦朝朝禮太空。鶴駕一從辭夜

余每於友人余太史處晤山人太史稱山人能詩後余與石拱辰南歸山人贈之詩有云有舌

能忘死全交肯獨生又示余夙所作秋興八首余讀之果知人之能詩也今為錄二首焉

月星壇長自鎖秋風。彩幡半落寒雲外。畫壁全銷別殿中。舊日詞臣多意氣。謾令玄草擬楊雄。

呂時臣 字中甫號甬東鄞縣人隆萬間山人

諸公邀登甘露寺留別

天風飄忽芾袍輕。兩度登臨慰客情。踈磬雨催山寺曉。亂帆春放海門晴。江迴錢甕三吳盡。潮過金陵七澤平。明日別離何處問。斷腸煙樹漫蕪城。

王承父 字叔承號崑崙吳人嘉隆間山人

金山

叔承放曠頗似太白尤當觀其

龜宅龍宮紫氣驕。壯遊南北倚青霄。蜀江萬里來春水。吳嶼千尋帶暮潮。夾岸帆檣楊子渡。隔天雲樹廣陵橋。臨流無限風塵思。濁酒淋漓劔影搖。

遊觀音巖燕子磯因感梁王達磨故事

觀音高閣迥巖扉。客酒憑陵燕子磯。山帶石城孤寺立。潮平江國亂帆飛。故宮木葉空金盃。荒渡蘆花失寶衣。我亦乘風欲西逝。少林秋老白雲歸。

九日雨花臺二首

百尺荒臺天一涯。鳳城煙火映江沙。孤杯不見三秋

菊。細。雨。空。飛。九。日。花。旅。鬢。蕭。疎。驚。節。序。雄。心。寂。寞。對。京。華。野。人。只。有。遼。東。帽。遮。莫。西。風。吹。孟。嘉。

空。翠。微。茫。秋。氣。迴。晴。雲。獨。向。苑。中。開。白。邊。地。擁。層。官。出。天。際。江。排。疊。嶂。來。風。雨。連。城。誰。送。酒。客。懷。千。古。一。登。臺。吾。生。好。赴。廬。山。飲。白。社。黃。花。夢。百。回。

張獻翼

字幼子號壺梁長洲人嘉隆間監生

接贈兼眎蘇君楫沈元異

白。明。煙。月。勝。揚。州。十。四。樓。中。第。一。流。眉。學。遠。山。餘。黛。色。心。將。初。柳。結。春。愁。渡。頭。桃。葉。王。孫。草。巷。口。烏。衣。客。

幼子以詩賦人二也偶未入選乃形人寐豈文章草固自為神物乎

子來都市相逢多意氣與君同作五陵遊。

送別柳明府

孤臣明發向天涯。楚水靡蕪感別離。雞肋宦情元自薄。羊腸世路益堪悲。兵戈誰念星霜久。心事空餘草木知。五斗一官猶不偶。送君惟有淚如絲。

寄吳太守

曾於白雪見文章。不為青山憶武昌。藝苑才名多七子。宦途心事半三湘。人前落筆誇鸚鵡。郡內寒帷下鳳凰。見說漢廷思校獵。未容長孺薄淮陽。

莫雲卿

字少江。華亭人。嘉隆間庠生。

贈陸生名遠

年少風流重陸郎。名都花月馬蹄忙。論功早謝封侯賞。好俠多從結客場。新學五禽探妙訣。舊彈雙鋏助清狂。看君一指還丹術。金鼎空傳肘後方。

贈洪山人霍山山人故大司馬胡公幕客也

廿年踪跡自支離。把酒能談五岳奇。遠興每將瑤草寄。雄心不負寶刀知。圖書夜月空山侶。表馬春風故國思。聞說西園清燕罷。更於何處定交期。

莫生跌宕
可想猶才

汪言臣

字士官御史

號渠瀛四川巴縣人萬曆丁丑進

登魁星樓

汪公讀書
秘他作尚未
出乃茲一首
雄雉奇拔如
萬仞城壘
星挂首氣執
駭人足為天
家一變矣

高閣崔嵬壁水旁。軒窓八面立滄茫。海雲朝擁蓬萊色。天漢霄連星斗光。萬雉雄城堯底落。九衢甲第檻前翔。我來還對中秋月。瑟瑟風多桂子香。

批點明詩七言律卷八



